

**ТАСТАНДЫ ЖЕРЛЕРДІ ИГЕРУДІҢ ТИІМДІ ЖОЛЫ
– КӨПЖЫЛДЫҚ ШӨПТЕР ЕГУ**

**А. М. Нургалиев, а.-ш. ғылымдарының кандидаты
С. М. Кабаева, магистрант**

Жәнгір хан атындағы Батыс Қазақстан аграрлық-техникалық университеті

Мақалада ауыспалы егіс айналымынан шығып қалған жерлердің құнарлығын және агрофизикалық қорсеткіштерін қалына келтіру мақсатында екпе жемшөп алқаптарын жасау бойынша зерттеу нәтижелері көтірілген. Ол үшін ксерофилді астықтұқымдастар – жоңышқа, арпабас, ерек шөп, тарлау қияқ, ал бүршиң тұқымдастардан – жоңышқа пайдаланылды. Бұл дақылдардың таза егістіктері барлық тәжірибелерге бақылау ретінде есептелді. Келесі варианттар екі құрамадас – жоңышқа және астық тұқымдастарының біреуі және үш құрамадас – жоңышқа және екі астық тұқымдастар дақыл.

В статье изложены результаты исследований по созданию сеяных кормовых угодий, на землях вышедших из зернового клина, с целью восстановления плодородия и агрофизических свойств. Для этого были использованы ксерофильные злаки – житняк, кострец, ломкоколосник, а из бобовых – люцерна. Чистые посевы этих культур служили контролем ко всему опыту. Следующими вариантами были двойные – люцерна и один из злаков и тройные травосмеси – люцерна и два злака.

Results of researches on creation of sowed stern fields, on the lands which are out of corn wedge, in order to recover the fertility and agro-physical characteristic are given in the article. For this purpose, xenophiles cereals - medicago, brooms interims, agropyrum and such bob as – Lucerne were used. Pure sowings of these cultures served checking to the whole experience. The following variant was double – Lucerne and one of the cereal and triple grass-mixtures – Lucerne and two cereals.

Сонғы кезде агротехникада жүйені құрылымдық ұйымдастырудың өзгерістерге байланысты құнары аз жерлер айналымнан шығып қалуда. Батыс Қазақстан облысында мұндай жерлер 910 мың га, ал республика бойынша 5 млн. га астам [1]. Қурайлы тың кезеңінде бұл жерлер зиянкестер және карантинді арам шөптердің көбейіп, тарайтын орнына айналды. Сонымен қатар, қазіргі кезде адамзаттың ғаламдық проблемаларының бірі – шөлденеу процесі де үлкен аландашылық туғызуда. Сондықтан осындай тастанды жерлерді қалпына келтіру бүгінгі күннің басты міндеттерінің бірі болып есептеледі.

Оның үстінеге, қазіргі кездегі ұсақ ауыл шаруашылық бірлестіктерінің маусымдық жайылымдарды пайдалану мүмкіншіліктері болмағандықтан, мал шаруашылығы елді мекендердің маңында шоғырланған. Бұл жерлердегі жайылымдық өсімдіктер жыл бойы пайдаланатындығынан, олар деградациялану процесіне ұшырайды [2].

Осыған байланысты, бұл алқаптарды пайдаланудың онтайлы жолы көпжылдық шөптер егу және сол арқылы топырактың агрофизикалық қорсеткіштерін жақсартып, сонымен қатар мал шаруашылығының жемшөп базасын нығайту.

Екпе жайылымдар мен шабындықтар табиғи алқаптарға қарағанда жоғары өнім береді және егісті күтіп-баптаудың каркынды тәсілдеріне қайтарымды келеді. Демек, жемшөп өндірісінде қолданылатын прогрессивтік технологиялардың тиімділігін артыруға оң ықпал етеді. Аудандастырылған шөп сорттарын қолдану және шөп қоспасының құрам-

дастарын дұрыс таңдау кездейсоқ құрамға қарағанда өнімді 50-70 % арттырады. Сол себепті жайылымдық-пішендік жерлерді қарқынды пайдалануда екпе алқаптар жасау және қоспа түрлерінің тиімді қатынас мөлшерін анықтау өзекті мәселелердің бірі болып табылады.

Далалық аймақта шөп қоспаларының құрамын анықтайтын негізгі факторлардың бірі – топырақтың ылғалдануы. Сондықтан, бұл жерлерде мал азықтық егістер үшін көбінесе ксерофилді астықтұқымдастар – ерекшөп, арпабас, тарлау қияқ, ал бұршақ тұқымдастарынан – жонышқа пайдаланылады.

Көпжылдық бұршақ тұқымдастас мал азықтық дақылдардың халық шаруашылықтық маңызы олардың жоғары азықтық құндылығымен шектелмейді. Олар топырақта азот және басқада қоректену элементтеріне бай органикалық заттың көп мөлшерін жинақтайтын, құнарлығын жоғарлатып, әсіресе төмен өнімді жерлердің физико-химиялық қасиеттерін жақсартады. Көпжылдық бұршақ тұқымдастас шөптеген жерлердің жыртқан кезде топырақтың жыртылатын қабатының борпылдақ құрылышы қалыптасады, оның көлемдік және салыстырмалы салмағы төмендейді, қыстылығы жоғарлайды, шаруашылықты бағалы топырақ агрегаттарының мөлшері өседі (0,25 мм ірі, 10,0 мм ұсақ) және гектарына 2,0-2,5 ц азот жинақталады [3].

Біздің тәжірибеліде табиғи жағдайлардың ерекшеліктерін ескере отырып, жемшөптік дақылдардың мынадай түрлері таңдал алынды: бұршақ тұқымдастардан – жонышқаның Уральская синяя сорты; астық тұқымдастардан – арпабастың Восточно-Казахстанский сорты, ерекшөптің Уральский узоколосый сорты, тарлау қияқтың Бозой сорты.

Жонышқа мен арпабасты пішенге және жайылымдық мақсатта пайдалануға болатыны белгілі. Ал, ерекшөп болса, орып алған соң баяу өсіп, алышынкөкті аз түзетіндіктен тек пішендікке пайдаланылады. Керісінше тарлау қияқ жайылымдық мақсатта ғана қолданылады.

Осыған байланысты шөп қоспаларын байлайша топтастыруға болады: жонышқа + ерекшөп, арпабас + жонышқа + ерекшөп – пішендікке; жонышқа + арпабас – пішендік-жайылымға; жонышқа + тарлау, жонышқа + арпабас + тарлау – жайылымға пайдалану мақсатында.

Дақылдар таза қүйінде себу мөлшері 2 млн. дана/га өнгіш дән есебімен қатар аралығы 30 см етіп егілді. Екі түрлі қоспада сол қатар аралық сақталып, себу мөлшері 1,5 млн. дана/га дәнге дейін азайтылды, ал үш түрлі қоспада сәйкесінше 1,0 млн. дана/га өнгіш дән құрады. Себу жұмыстары 2008 жылдың сәуір айының үшінші онкүндігінде жүргізіліп, алғы дақыл ретінде жаздық бидай алынды.

Тәжірибелік жер топырағы қызыл-коныр түсті, саздауытты келеді. Жердің беткі жыртылатын қабатындағы қарашірік мөлшері 2,4 %, абсолютті құрғақ заттағы гидролизденетін азот 46 мг/кг, жылжымалы фосфор 18 мг/кг және алмасатын калий 436 мг/кг, pH – 7,0-7,2. Өсімдіктердің солу ылғалдылығы – 10,6 %. Топырақтың көлемдік массасы – 1,54 г/см³.

Жауын-шашын мөлшері 2007-2008 ауыл шаруашылық жылы – 308,9 мм, ал көпжылдық орташа мөлшері 311 мм құрайды.

Көпжылдық мал-азықтық дақылдардың тұқым өнгіштігі айтарлықтай жоғары емес және 30-40 % шамасында болды. Қоспадағы компоненттердің санына және түріне байланысты сәл ауытқулар байқалды. Мысалы, жонышқаның таза өзін сепкендердегі егістегі орташа тұқым өнгіштігі 38,5 % болып, әр шаршы метр ауданда 80 өсімдік өсіп шықты. Астық тұқымдастармен екі құрамды қоспаларда жонышқаның бұл көрсеткіші орташа алғанда 27,4 %, үш құрамды қоспаларда 35,5-36,5 % құрады.

Астық тұқымдастас шөптесін дақылдардың таза түріндегі өнгіштігі мынадай: арпабас – 41,3 %, ерекшөп – 39,7 % және тарлау қияқ – 35,8 %, екі құрамды қоспада тиісінше 28,0; 37,3 және 27,7, ал үш құрамды қоспада – 36,5; 34,5 және 30,0 %.

Ғылым және білім №4 (17), 2009

Бірінші жылы барлық қоспалардағы жемшөп массасының өнімі тек бүршақ тұқымдас есебінен түзілді. Таза жонышқаның өнімділігі 31,6 ц/га – көк балауса, 7,9 ц/га – пішен.

Кесте 1 – Мал азықтық дақылдары және олардың қоспаларының көк балауса өнімділігі, ц/га

Шөп шабу саны	Дақылдар және олардың қоспалары								
	Жонышқа (ж)	Арпабас	Ереккешен (e)	Тарлау кияқ (лк)	Ж + а	Ж + e	Ж + тк	Ж + а + тк	Ж + а + e
1-ші жыл									
1	31,6		-	-	25,5	26,1	28,4	23,2	22,8
2-ші жыл									
1	24,2	34,3	43,9	25,1	41,2	54,2	39,5	59,7	43,2
2	29,8	25,7	-	23,5	48,4	28,6	51,8	51,4	51,5
3	20,4	-	-	19,6	14,2	15,3	25,6	32,3	12,4
Барлығы	77,4	60,0	43,9	68,2	103,8	98,1	116,9	143,4	107,1
Орташа	54,5	30,0	21,9	34,1	64,4	62,1	72,6	83,3	67,9

Екінші жылы қылтықсыз арпабас тұрақты жемшөп өнімін берді. Тарлау кияқ та жонышқа сияқты жылына үш орым беріп, жоғары өнімділік танытты. Басқа астық тұқымдас шөптерге қарағанда ереккешептің жалпы өнімінің төмендеу болуы оның вегетациялық кезең ішінде тек бір орым беруіне байланысты.

Екі құрамды қоспаларда пішендік жонышқа + ереккешөп (62,1 ц/га) қоспасынан жайылымдық жонышқа+арпабас (64,4 ц/ га) және жонышқа+тарлау (72,6 ц/га) қоспаларының артықшылығы байқалды. Үш құрамды қоспада да жайылымдық мақсаттағы дақылдардың (83,3 ц/га) пішендікпен (67,9 ц/га) салыстырғанда өнімділігі жоғары болды.

Кесте 2 – Мал азықтық дақылдары және олардың қоспаларының пішен өнімділігі, ц/га

Дақылдар және олардың қоспалары	Жылдар		Орташа
	1-ші жыл	2-ші жыл	
Жонышқа	7,9	20,3	14,1
Арпабас	-	15,6	7,8
Ереккешен	-	12,1	6,05
Тарлау кияқ	-	17,8	8,9
Жонышқа + арпабас	6,8	25,4	16,1
Жонышқа + ереккешен	7,1	24,9	16
Жонышқа + тарлау	7,4	30,7	19,05
Жонышқа + арпабас + тарлау	5,8	34,6	20,2
Жонышқа + арпабас + ереккешен	5,6	26,2	15,9
EEA 0,95 ц/га	0,7	1,8	

Қоспалардың ботаникалық құрамының құрылымын талдау бүршақ тұқымдас дақылдың үлес салмағының басымырақ болатынын көрсетті. Екінші жылдан бастап бірінші орымда белгілі бір құрамдастың артықшылығы аз байқалады. Екінші-үшінші орымда жонышқа мен ереккешөп қоспасында соңғысы өте аз мөлшерде кезігеді.

Ал, жоңышқа + арпабас қоспасының үшінші орымында өнім толығымен жоңышқадан тұрады. Тек жоңышқа + тарлау қоспасында барлық орымдарда екі шөптің үлесі теңге жақын. Демек, шөптің ботаникалық құрамы оның түріне, орымына немесе пайдалану тәсіліне (пішенге, жайылымға) тікелей байланысты.

Қорыта келгенде, Батыс Қазақстан жағдайында дәнді астық тұқымдастардан босаған жерлерді игеру үшін табиғи жайылым, шабындықтарға қарағанда тұрақты жемшөп өнімін беретін көлжылдық мал азығындық дақылдар – жоңышқа, арпабас, ерекешөп, тарлау және олардың екі-үш құрамды қоспаларын себуге болады.

ӘДЕБИЕТТЕР

1. Батыс Қазақстан облысының ауыл шаруашылығы. Статистикалық жинақ. / құраст. БҚО статистика департаменті – Орал, 2008. – 19-20 бет.
2. Бекмухамедов, Э. Л. Западный регион республики Казахстан / Э. Л. Бекмухамедов, Б. У. Утепов, А. Е. Есимбетов, С. К. Култаев, Г. К. Абдуллин. // Пастбища и сенокосы Казахстана. – Алматы. – 1998. – С. 12-28.
3. Можаев, Н. И. Люцерна на корм и семена / Н. И. Можаев. – Алма-Ата : Кайнар. – 1981. – 128 с.